



17560

I

Mag. St. Dr.

P


*Witczak Danielis: Senium. — Dominus Antonio  
Francisus Leopoldus etc.*

PANEG. et VITAE

Polon. 4.

Æ 210.







# XENIVM.

Maiorum natalibus clariss. & spectabili

VIRO,

DOMINO ANTONIO

FRANCKOVICIO LEOPOLITÆ.

Reipub. Cracouiensis Senatori  
vigilantiss. &c. &c.

Domino, ac Mæcenati clementiss.

Amoris, & obseruantia ergo.



DANIELE WILCZEK CROSNENSE,  
Studiofo almę Academię Cracouię.

Dicatum.

CRACOVIAE, Anno Domini M. DC. XII.

Excellentissimo viro D. Sebastiano Jęzowski Archid. et  
Doctori in alma Acad. Cracoviensi Collegae minoris et Professori  
D. suo observantissimo Authori D.D.  
392. Proposito S. Adalberto in circulo Crac.



IN STEMMA.

Spectabilis Domini,

DOMINI ANTONII FRANCKOVICII LEOPOLITÆ

Consulis Cracouiensis &c. &c.

LVSVS PRIMVS



Quàm benè sub nubes LEO montes, tollit, & Arcton!

An quia & hi celum, tangit & illa polum?

Felix Franckouici, qui tanto stemmate flores:

Sorte tui facti gens tua celsa petit,

Mons nota virtutum, LEO famę, & stella, perennis:

Quære aliud maius, si potes, orbe decus.

LVSVS SECVNDVS

Fert LEO tres pedibus montes, sidusque coruscum,

Symbola quę monstrant, vim, decus, ingenium.

Pectora celsa geris, hiueq; & virtutis honorem,

Franckouic, factis, lumine, laude, nites.

Sic tua fama volat veteris per mœnia Craci,

Sic alto virtus altior alma polo est.





## PRÆFACIVNCVLA.

**V**Sus Romanorum ferebat, FRANCKOVICI vir spectatissime, omni genere officiorum, atque mutuâ studiorû benevolentia, amicis auspicem anni ingressum precari; cuius rei symbolum, Calend: Ian. munera sibi met per internuntios, additis faustis ominibus, ac verbis amicâ fide plenis, mittebant. Et sanè non iniuriâ. Vt enim illi, qui trans maria, effrenatâ voluptate mercurum, & questus magnitudine illecti, currunt, si tot pericula, quos in pelago sunt, Syrtes, Charybdes, Ceraunia, & alia sexcenta monstrorum genera quaerint, sibi mutuo gratulantur, ab amicis nimium quantum humaniter excipiuntur, denique muneribus quâ exoticis, quâ etiam peregrinis seipsum accumulant: sic homines, qui anni veluti vastum Oceanum, & immensa propemodum temporis spatia, ventis secundis, & aurâ placidâ, tot Scyllas vitæ nostræ insidiatrices (utinam sine conscientie iacturâ, quod ut optamus, ita Deo iuvante speramus) emensi sunt, sanè merito idem facere videntur. Itaque iure optimo hunc morem imitatur, & retinemus, nunc præsertim, cum Ianus bisfrons, & principium anni sequentis, & finem præteriti lætus aspectat. Equidem mihi, qui partim propinquâ cognatione te attingo, partim magno beneficio, & merito tibi deinctus sum, quid offeram, non aliud occurrit, quàm, ut recens suffragante divinâ clementiâ huius anni ingressum benè tibi fortunare Deus ter Opti. Max. & ad finem felicissimum perducatur, amicissime comprecari: simul etiam exilem ingenii mei segetem: ut potè hoc Poëmatum, læticiæ in toto Poloniæ regno incredibilis vbertatem complectens, tibi meo tutelari dedicem. Utinam illud perenne numen, te, cum omni stirpe, non solum anni presentis curæ



tis curriculo, verum etiam aliis quam plurimis, incolumem ac  
florentem conseruet, Quod reliquum est, hoc exiguum  
nomine tuo in lucem munus editum, singularem animi nostri  
testificationem suscipere ne graue sit, & cum acceperis, vetus &  
inconcussum meum in te studium, tuę virtuti merito debitum,  
semper restaurandum cognosce. Vale: & me Clientem fo-  
ue. Calen. Ian. Anno à partu salutifero Virginis. M. DC. XII.

## Ex ædibus nostris.





# EPIKION.

**A** Rma cano, Hesperium quę Solis ad vsque cubile,  
 Igniuomans roscu vultu distendit Eous,  
 Et quibus armipotens heros sublimè sub auras,  
 Æthereas vexit clarum nomenque, decusque,  
 Sauromatùm. Musas qui proluis amne Caballi,  
 Castaliosque choros Alcra o nectare roras,  
 Da vati facilem cursum, & felicibus ausis,  
 Vati qui modicùm Aonio durauit in antro,  
 Et cuius pedibus vix est calcata Pyrenes

Est regio gelidum latè protensa sub axem,  
 Quam videt è superis custos Erymanthidos vrsę,  
 Parrhasiumque premit sidus, septemque triones:  
 Frondibus hanc densis, truncisque frequentibus altum,  
 Claudit vtrinque latus nemoris, saltusque profundi,  
 Diues opum, pecorisque ferax, mellisque, feręque,  
 Nec non pelle potens, armis, atque vbere glebę,  
 Proxima Colchicolis, Mosquam dixere priores.

Hanc propè Dædaleis manibus super àëra cellsum,  
 Assurgit bellis clara vibs, cæloque minatur  
 Vertice, magnificis aliarum haud infima tectis,  
 Ter centum fossis, ter centum turribus altis  
 Ardua, tùm vallis, murisque elata superbis,  
 Nomine quam veteres Lechi dixere Smolenscum:  
 Hanc iterum, ac iterum robustis viribus omnes  
 Expugnare Borystenide, telisque nefandis  
 Certabant, auidi totam subuertere opum vi:  
 Pugnares strictis contra defendere telis  
 Sauromatę, ac validis acies detrudere contis,

B

Nec



Nec sanè ex alto voluebant irrita saxa.

Cæca manus nimium, sortisque ignora futurę,

Iussa Dei contra molitur in vire necare

Hostiles turmas. Quàm parua potentia gentis

Humana, auxilio si fors orbata Tonantis!

Sarmata solus eam patriâ ditione premebat:

Tota Borystenidum gens fraudis compta colore,

Sæpè dolos tacito necebat pectore, & artes,

Hoc ipsum vt strueret, patriâ quò grande Smolenscum,

Lege atque imperio (latè iam tum sua fræna mouebat

Princeps in populos) victrix moderetur habenis.

Ne sit & ante alios scelerum fraudesque, dolosque,

Dux, milesque bonus, nunquam pietate, sed armis,

Glinscius, ille cui legum veneranda potestas,

Sed pretio Moschi, fuluo corruptus & auro,

Sarmaticas, in Moschiadas, inimicaque castra,

Adiungi miro properauit amore phalanges,

Sic fidens animi, sic ille in vtrumque paratus,

Seu versare dolos Lechis, seu cæde perire:

Arrisit votis animi fortuna probatis:

Cellos namque arcis muros venientibus vltro

Moschiadis, portasque, & claustra reclusit athena:

Non potuere capi numerofo milite cincta:

Tanti operis fuerant Smolensci moenia magni.

Iamque fere lustris bis denis fortè peractis

Iura dabat, durisque agitabat legibus illam

Hostis, cum superum rector, sub numine cuius

Lechiadę tuti, cupiens molimina gentis

Frangere Moschorum, per somnum visus adesse

Sarmatico Regi, curasque his addere distis.

Quid



Quid mea cura siles? Cur arma capeßere tandem  
 Negligis? hunc ergo populum patieris inultum?  
 Arxtua, cernè, reuulsa tui de corpore regni,  
 Seruiet externo non eripienda Tyranno?  
 Sicné tuum nomén Ducibus vilescet iniquis?  
 Respice auum, Litaui gentem, qui subdidit vltro  
 Sauromatis: quantum lua gloria floret in orbe!  
 Tu nihil adicias? Sic vis inglorius æuum  
 Transigere? an nescis quæ commoda, quantaque regno  
 Indè fluunt, latè vastum memoranda per orbem?  
 Non est difficilis res, en occasio pulchra,  
 Quando madent Domini nece, quando fœdera frangunt.  
 R E X Stephanus potuit prior horrida bella ciere,  
 Me duce, cùm Princeps crudelis viueret ollis,  
 Vt magè tu valeas, comitem me semper habebis,  
 Ipse ego te ducam custos tua facta gubernans.  
 Vade agè, bellerosque viros in prælia iusta  
 Spontè para, referes victricia signa triumphans.

Dixit: & iniecit Sismundi cordibus ignem  
 Curarum, inque polum paribus se sustulit alis,  
 Corripit à somno corpus, neque cernere quenquam  
 Fas erat, agnouit stirps Iagellonia numen,  
 Auxiliumque Dei, tali tunc voce precatus:  
 Arbiter astripotens, totum qui dirigit orbem,  
 En tua iussa sequor, mentem, viresque, ministra,  
 Solus concordas animos infunde Polonis  
 Militibus, solus rege magnanimumque senatum,  
 Ad bellum est animus: quis perfida pectora Mosque  
 Aspiciat clemens, toties quæ prouocat iram?  
 Siccine Sauromatis illudet Mosqua superba?



O gens dura, dabis poenas pro sanguine fuso  
Principis, ac nostræ disrupto fœdere gentis.  
Sic fatus, curas ingentes pectore versat,  
Atque animum celerem nunc huc, nunc dividit illuc.

Tempus erat, quo bruma riget, quo clarus in imo  
Phœbus equos agitat cælo super aurea Capri  
Cornua, frigorisque viros, pecudesque fatigat:  
Interea lagellonides Dux maximus orbis,  
Indixit proceres acciri, amplumque Senatum,  
Legiferam in sedem, arcanas ubi mente reuoluit  
Curas, & leges aperit, casusque futuros.  
Postquam congressi mediis in sedibus aule,  
Inque vicem solitas dexteras iungere, residunt:  
Et tandem varii vario sermone fruuntur.  
Rex prior hæc, altè solio subnixus auito,  
Profert verba: omnes arrectis auribus astant.

Sauromatæ magni, quæ sit sententia menti:  
Quid Deus inspiret nobis brevis ordine certo  
Expeditam: huc animos dictis intendite vestros.  
Haud ignara cano: quæ tantis virtutibus olim  
Terrisonos armis hostes, gentesque superbas,  
Seruitio præsit captiuo Sarmata victor:  
Miramur truncibus Russos succumbere bellis:  
Scilicet hos virtus maiorum colla cœgit  
Subdere, & imperio victos seruire Polono; —  
Quis nescit quæso vestrum, nos Marte Borussia  
Contudimus, cui iura damus, quis credere possit?  
Effera vis Pomesaniadum, quæ sæpè tumulens  
Sarmatico mouit regno trepidos, ubi nunc est?  
Ante cubam nobis audax Liuania seruit,



Litalicumque solum, atque ferox Masossia bello,  
 Tres alias arces, censuque, virisque, valentes,  
 Iunximus imperio, ferroque domauimus acri,  
 Luseum, & Valadimiriam, Chelmamque potentem.  
 Hoc quid? Moschiadum sobolem ergo in pace sinemus.  
 Degere? quæ toties temerat data pasta, dolisque  
 Sarmatiam vasis sua sub iuga mittere tentat?  
 Ecquid cessat iners vlcisci dextera crimen.  
 Lethiferum? num Sauromatis pro crimine tanto  
 Exiguæ vires? Hinc pergama cella Smolensci  
 Comprimit, hinc Lechos duris circumsonat armis.  
 Quid memorem miseras cedes, quid stragis aceruos.  
 Infandæ? Rumpunt communia iura Tyranni.  
 Legatos (scelus infandum) qui nomine regni  
 Gratarum, nuptæque nouæ, sceptrisque Demetri,  
 Sunt missi, fœdo retinent in carcere nostros,  
 Quis ferat hoc facinus? Rex ô stellantis Olympi,  
 Verte tuos oculos, gentemque excinde ferocem:  
 Magnum quin etiam Dimitrum sibi sceptragerentem,  
 Extinxit gladiis, & funere merfit acerbo.  
 Fas est ut commissa luat, nostrisque sub armis  
 Consternata solum trepido diademate pulset.  
 Hoc Deus inspirat nobis, mens ardet in iras.  
 Longum cuncta loqui, vobis meditanda relinquo:  
 Nam si cuncta velim verbis detexere, pronos  
 Phœbus equos prius altisonis immergeret undis.

Effatus tantum: Proceres, totamque coronam,  
 Incendit virtus, animusque in pectore fortis,  
 Spem dedit ambigæ menti: tum bella iuuentus  
 Bella amens fremit, & bello contendere in hostem.



Ardet, mox strictos vaginâ diripit enses,  
 Pro patria quæ solo vitam cum sanguine poscit  
 Fundere, iucundumque mori decernit in armis.

Vt placati animi primùm, & iuuenum ora quierunt:  
 Hic senior patrum, vultu trepidante potentem  
 Alloquitur regem, tremulo de pectore dicens.

Inclyte R E X summi non vltima cura Tonantis :  
 Lechiadæ præsci, famam, & memorabile nomen,  
 Virtute inuictâ, simul & pugnacibus armis,  
 Quæsierant olim : caput & vaga sidera testor,  
 Sic regni fines auxere, & sinibus hostem  
 Summonere trucem, externis non viribus ausi:  
 Nec dum sunt residues animi, stat viuida virtus  
 In bellum horrificum, feram quæ ritè iuuentam  
 Sarmatiæ monet, vt primores passibus iidem  
 Æquet, & illorum miretur maxima facta,  
 Palmaeque, ingenti quoque sanguine parta trophæa.  
 O mihi si redeat viridis quæ floruit ætas,  
 Qualis eram iuuenis, durâ quàm fortia gessi  
 Bella manu, procul ô turpi formidine pulsa,  
 Nouerat hanc Teutho sua de eruce nomina portans,  
 Nouerat horrendus telis Scythæ, Moschus & atrox.  
 Quid Turcus? quoties campo cum vulnere cæssit?  
 Quin aliis etiam viget horrida dextera bello,  
 Si tantum arma manus poscunt: quàm Moschus acerbos  
 Lechidas benè sanguineam cognouit ad Orsam!  
 Meleciūque, Duces, Radiuūque cruentum,  
 Nominis ad quorum sonitum defixus in vno  
 Obtutu, subito tristi terrore rigebat.

Ac velut Idaliæ volucres, quas fortè vagantes,

Callidus



Callidus accipiter depren dit in æthere vasto,  
 Comprensasque secat falcatis vnguibus, illę  
 Sanguineis trepidant alis, audasque cruoris  
 Horrescunt fauces, & lumina torua tremiscunt:  
 Haud aliter voces, & nomina sola Poloni,  
 Moschiadũm soboles, exangui corde tremebat.  
 Pars, si Vitoldum quando conspexit ahenis  
 Horrentem squammis, sese proiecit in vndas  
 Fluctiuomas, capulo tenus aut in viscera torfit  
 Fulmineos enses, vulnusquę in vulnere fecit,  
 Pars laqueis tetricis sibi dura ligauit ab orno.  
 Guttura: pars sese iactu deditę quor in imum,  
 Semianimes multũ flammis petiere micantes.  
 Aspera fors hominum visa est magę suauior hosti,  
 Quãm vultus oculis rigidi spectare Dynastę.  
 Fœlices ô Lechiadas ter, & ampliũs, illos,  
 Quos hostis plus quãm Zancleam nauat Charybdim,  
 Syrtesque, aut rabidos Scyllę vitauit hiatus.  
 Nunc quis Sarmatię status, & quę tempora rerum  
 Extent, quis contra nos suscitet arma? videmus.  
 Quas habeat causas, sic in discrimina vitam,  
 Et regnum nostrum (prò ortem) quisque vocabit?  
 Quin agitę ô iuuenes, maiorum expendite facta,  
 Et victi, votis animos reuocate Polonos  
 A iugulis, armis tandem reuocate periclum.  
 Tu R E X magne celer referas stridentia belli  
 Limina, crudeles hostes, si mente benigna  
 Exciperes, capere antę dolis & cingere ferro  
 Te citius poterint. sin ardes Martis amore,  
 Et si Lechiadũm casus auertere cordi est,

**Aude**



Aude REX superum præstantibus annuet ausis.  
 Scilicet eximie vires, & fortia bello  
 Pectora deficient nobis: sunt arma Polonis;  
 Sunt animi in Moschum, & rebus spectata iuuentus,  
 Cominus intrepido cui seu decernere ferro,  
 Seu pedes armatis, atque obuius hostibus ire  
 Præcipias, paret subito ac mandata facessit.

Dixerat: ast omnes læti simul ore fremebant.  
 Ecce autem armati rigido sua corpora ferro,  
 Centum Oratores, manicis pendentibus imam  
 Ad terram, pecti rubicundis vestibus adsunt,  
 Moschiadæ, placidæ rupturi fœdera pacis,  
 Olli signa ferunt belli: manus altera portat  
 Sanguineos enses, fulgens fert altera scutum.

Postquam introgressi, & coram data copia fandi,  
 Sic prior ore refert: Magni REX indyite regni,  
 Per spatia ampla soli, passi discrimina vitæ,  
 Hostibus in mediis, huc tandem præpete cursu  
 Venimus, inuicti Moschorum iussa referre  
 Cæsaris, hæc oculis belli, quæ symbola cernis,  
 Illa tibi mittit iustam concitus in iram:  
 Nam tua gens nostri fines inuadere suevit  
 Imperii, ac villas ferro vastare propinquas:  
 Quin armis veniens ad nos succincta, cohortes  
 Armifonas duxit, fictum folioque locauit  
 Demetrium, contra fas, contra fœdera pacis:  
 Pro scelus indignum Moschos vexarier ultro!  
 Quare agè, Sarmatici regni qui sceptrâ gubernas,  
 Arma capeisse manu, libet armis quærere pulchram  
 Imperii libertatem, quam perfidus hostis,

Audaxque



Audaxque, haud dubitat gladio temerare minaci:  
 Nullam cum Lechis pacem, legemque, fidemque,  
 Moschica stirps quodcumque sequens seruabit in æuum.  
 Conticuit tandem, cuncti simul ordine longo  
 Lechiadę frendent, neque segnes arma requirunt ?

At REX impatiens, iam pridem rumpere voces

Gestit inuisas, accensus corda furore:

Tum sic iratus dictis respondet amaris;

Quæ nam fors vobis extollit in æera vanas

O Moschi mentes ? Placet almæ vincula pacis,

Soluere ? iam dudum cupit hoc vidisse iuuentus,

Libera Sarmatiæ, longam execrata quietem,

Litusne Euxini sudari sanguine vestro,

Optatis ? Certè rabido si flagrat ab æstu,

Restinguam flammis violentas imbre cruento:

Vos Dominum immeritum crudeli morte necastis ?

Sic benè sanguineum pendetis sanguine lethum,

Quid quòd legatos retinetis carcere fædo ?

Contra fas ? cheu scelerati corde Tyranni,

Vos nuptamque nouam claro de sanguine: floremque

Eximiam, nullo tenuistis honore: iuuentæ,

Pro quo dignus erit, populi comitante cateruâ,

Princeps crudelis, ramo qui pendeat alto,

Auricomos numerans ignes fulgentis Olympi.

Nunc ite, & residui populo, tumidoque Tyranno,

Hæc mea dicta referte: dabit gens improba pœnas,

Exeat, ac proprias acies producat ad arma

Sauromatis, aliena manus, sanguis que quiescat.

Hæc ubi dicta: statim solio surrexit ab aureo,

Et propero gressu super alta palatia celsit,



In patriam redeunt Moschi, rabidisque feruntur  
Pulsibus, ut iussi gratissima bella reportant.

Phœbus ad Antipodas gemmatum verterat axem:

Cum Sigismundus geminas ad sidera palmas  
Extollens, plenus gemitu, sic ore precatur:  
Huc, si cœlas oculos, æternum numen Olympi,  
Tuque immortali proles æquæva parenti,  
Cerne, pater, gentis fastus, animosque minaces!  
Quid merui? Quæ causa movet mihi prælia? quantis  
Iste malis populus mentem vitiauit anhelam.  
Resce, na cœdēs, iam supra nefanda cœdere,  
Vota, precēsque meas, sanctum ne despice numen:  
En hostis parat arma ferox, bellamque minatur  
Suro matris, si quid mihi pietate meremur,  
Sarmatiæ auxilium fer, non indebita posco  
Huius regno, quæso, clemens succurre petenti:  
His servare domos, homines, arcesque, focosque,  
Et dare victrices palmas, ex hoste superbo  
Fas: hic namque sacras tibi thura cremantur ad aras.  
Da mihi, militibusque meis in prælia vires,  
Nefors quassatus bello, durisque procellis  
Vincatur, perdens optata trophæa Polonus.

Vix ea fatus erat: cum lux effusa repente

Implevit claris radiis laquearia cœti,  
Auricomisque trabes: tunc omnia visa cremari:  
Namque Iagellonides demissus ab æthere summo,  
Ut placuit superis, si mundi Regis in cœdes:  
Auram cinctus chlamydem, gemmatus & ora,  
Et castos humeros radiatus lapide fuluâ,  
Fronte rosam niveam referens, oculisque pyropos,



Cæsariem flauus, Diadema te tempora vincitun  
 Aduolat extemplo, claraque in luce resulget:  
 O quantum DIUUS fuerat rutilante figura!  
 Quantum honos oculis, quantus decor additus ori,  
 Sed, bus empyreis cum regia tecta petisset,  
 Hos, tales, tantosque viri venientis Olympo,  
 Fas Diui fuerat SISMVND O cernere vultus,  
 Quos flammans aëies superum in celestibus oris  
 Aspicit: expleri genitorum nescia mentem.  
 At REX attonito similis, sua lumina tælo  
 Infixit, palmasque tenens, nihil ore locutus:  
 Hunc IAGELLONIDES dictis solatur amicis:

SIGISMVNDE potens, me, me, Deus ipse supremus  
 Per celeres auras, nunc ad tua limina misit:  
 Ille ego sum, cui fors generis te sanguine iunxit:  
 DVX IAGELLONIDES, qui primo flore iuuentæ,  
 Mille vias etiam lethi calcare cruenti  
 Elegi, Veneris quam præmia nosse nefandæ.  
 Huc te conuenio, tibi opem dicturus in hostes  
 Moschiadas: Pro magna tibi tutela Tonantis;  
 Surge agè, & inuecto sursum Phæton te vocari  
 Primus in arma iube socios, clangore tubarum:  
 Tempore non multo mihi, stirps mea, crede canenti,  
 Spectabis dulcem felix ex hoste triumphum.

Vix ea: cum multos oculos suffusus obortis  
 SISMVNDVS, lacrymis: tandem ora, genasque rigauit  
 Terque quaterque imo suspiria pectore duxit:  
 Non lacrymis: CASIMIRVS ait, neque luctibus istud  
 Tempus, iam propera, cape vires, & cape vires,  
 Præuius en bello tibi sum dux: vincere spera,



His dictis deinde ex oculis cen fumus in auras  
Dilapsus vacuas fugit, testumque reliquit.

At REX sæuum acuit Martem altripotentis adæstus  
Numine, in arma viros vocat, hortaturque morantes:  
Per varias vrbes regni taratantara clangunt.  
Ardet inextincto belli certamine miles,  
Tùm clamore simul ferit aurea fidera lætus,  
Pars pedes ire parat campis, pars ardua terga  
Scandit equi, cõgitque arctis parere lupatis,  
Pars pingui aruinâ clypeos, & spicula tergent  
Lucida, pars plumbo-liuenti fulminis instar,  
Fatiferos armant heu bombos glande crepanti:  
Signaque ferre placet, conchasque audire sonantes:  
Scuta canant humeris alii, sequosque dolones  
Exacuunt, alii loricas gere rigentes,  
Aut conos venis argenti, ensesque, retorquent;  
Buccina iamque sonat iussos inflata recessus;  
Hic textum nodis iaculum rapit, ille coruscis.  
Subnixam galeam cristis, atque egida fuluam  
Induitur, bigisque citas infrenat habenas:  
Ast alii duro præfixa hastilia ferro,  
Aut Lycias portant pharetras: plenasque sagittis,  
Aut tormenta vehunt tremulas spargentia flammæ.

Nunc agite ô Musæ: tenêris Heliconæ virentem  
Pandite carminibus: mecum vestramque mouete  
Sponte lyram: vidistis enim quibus arserit armis,  
Quas ferro strages, quæ funera, Sarmata fortis  
Ediderit, repetens sibi reddi Marte Smolenscum.  
Maius opus moueo: maiores suffice vires  
Calliope, doctis comitata sororibus ultro.



Cùm rutilos surgens thalamos Aurora reliquit  
 It iubare exorto pubes, clypeataque portis  
 Agmina Russiadum, legio densata cohorte,  
 Sarmaticique ruunt equites, atque accola feruens  
 Istri fluctu omi, tum quos pater Istula binis  
 Cornibus armatus sinuoso lapsus in æquor  
 Impete, ritè viros fortes in prælia misit;  
 Hi Dnestri ripas habitant, illique fluenta  
 Nepri, mellificis alii de finibus adsunt  
 Podoliæ ciues, qui sylvas, aruaque cultu  
 Frugifero spatiosa mouent; hi falcis honorem  
 Herbiferæ recoquunt, & adunci vomeris vsum  
 In gladios, iaculumque micans, & cuspidis ictum:  
 Quique bibit Rabam, quem pascit & ipse Crepacus,  
 Et quos G N E S N A vetus nidi de nomine dicta,  
 Aut gignens hominum pulchros POSNANIA vultus  
 Masouis sequitur populose dura propago,  
 Litalicæque manus, & piæ senta cateruæ,  
 Et maris undinomi vicinus ab æquore miles:  
 Omnibus in morem coma tonsa, caputque Polonis  
 Rasum, vix pauci restant in vertice crines:  
 Purpureis splendent tunicis quædam agmina, quædam  
 Cæruleis, fulvisque micant, albisque lacernis:  
 Horrescunt enses campis, hastæque frequentes  
 Eripiunt solis radios, & lumina cæli,  
 Bombardis testique volant, pictisque pharetris.  
 Classica iam resonant per compita multa viarum:  
 Iam crebris hominum reboat clamoribus æther:  
 Puluere miscetur campus, murmur ferit auras:  
Quadrupedante pedum pulsu gemit excita tellus.

Agmen agens equitum ZOLKIEVIVS acer in armis  
 Primus adest, cunctos & diuidit ordine certo,  
 Millibus in mediis: ostro spectatus, & auro.  
 Hinc CAMENECIVS, Nouoducor scius inde cohortes,  
 Et forti Mauorte grauis FELINSCIVS heros,  
 Ducunt: Quid memorem VAIERVM pectore magnum?  
 Quis CHOTKIEVIGIVM, cui vim Bellona ministrat  
 Inuictam, donans faciles ex hoste triumphos?  
 Quis possit digno fortem canere ore SAPYAM?  
 Hic gemini fratres, iuuenes, LVBOMIRSCIA proles  
 Fertur equo volucris: Clotho heu fera sustulit vnum;  
 Audax GAIEVIVS iuxta moriturus in armis  
 Ibat, & illustri cretus de sanguine: densum  
 Agmen agens DOROCHOSTAISCIVS agminis instar:  
 Qui felix benè Litalicis dominatur in ois.

Ipse inter primos REX toto vertice sacra est:  
 Ingrediturque solo faciem pulcherrimus hos  
 Antè alios, sonipes maculis quem Thracius albos  
 Sustinet, & Dyclis tegit irradiata metallis,  
 Cui pharetra, & Tyrio nodatur murice lepta,  
 Deflexa ex humeris quæter à diuites Mædus  
 Fecit, & obrizo distinxit donâ metallo  
 Filius hunc iuxta vult & latus amicis  
 Arma tenens manibus, fulvus stans Beryllis,  
 Ire, patremque rogat: mediis in millibus ardens,  
 Optat equum, magnum si possit vincere Molchum,  
 Ipse negat genitor, mandat tractare Mineræ  
 Munera docti sonæ, regno vali tura Polono.  
 Insequitur nimbus pedum, pilataque re pubes  
 Densatur campis equitum, innumeræque phalanges,

Inte.



# EPINIKION.

7

Interea diro quatur terrore Smolenscum,

Fama volat pedibus celer, ac perniciousis alis,  
Sarmatiz aduentare manus, Regemque Polonum:  
Conuectant patulis Cererem, dulcemque Lygum,  
Portis, res omnes argenti pondera, & auri,  
Gemmas fulgidas pretiosas vndique vestes.  
Quæque iuvant dum detrudere sinibus hostem,  
Conveniuntque viri, pueri, innuptæque puellæ,  
Longa simulque cohors matrum, fortisque Boiari,  
Mœnibus expediunt tormenta, minancia campis,  
Expectantque hostem non segnes pectore dirum,

Arcis ubi ventum sub mœnia celsa Smolensci:

Turrigeros muros acies, circumstetit omnis,  
Obseditque sinus valli, atque angusta viarum:  
Quæ ruit Arctous Boreas, pars castra locanit,  
Pars hominum fixit tentoria, nimifer alis  
Flamina quæ nigris Auster ventosa relaxat.  
Hi Zephyrum opponunt capiti, quæ nubila densus  
Sæpè ciet, nimbisque solum conspergit, & æquor,  
Olli prospectant Eurum: sic vndique clausis  
Auxilia eripiunt, animosam spemque recidunt:  
Intentare ferum bellum iam Sarmata pronus.  
Dispositas acies muros de lucit ad altos,  
Insomnes vigilat equites statione, simulque  
Arma parant pedites, mora celsi at ira, dolorque,  
Exacuant animos, spoliis hinc miles opimis  
Altior, haud dubitat dulcem profundere vitam.

Interea cœlum roseis Aurora quadrigis.

Liquit, & exoriet Titan fulgore corusco,  
Depulsis tenebris lustravit lampade terras

Rei

**R**EX blando vultu, generoso pectore, verbis  
 Heroas, sociosque viros affatur amicis:

O iuvenes, primus mecum quis curret ad arcem?  
 Perfida quis bello Moschorum corda laceſset?

Hæc ait: & gladium tenues coniecit in auras.

Principium pugne in bellum Moschosque vocavit.

Fertur equo propius: murosque, & mœnia cursu;

Primus init; non illê metus, non ille pericli

Telorumque memor. Qualis cum carcere rupto,

Emicat impatiens leo, si quodcunque proteruis

Faucibus inuadit stabulum, mox claustra refringit

Et validis portis intrat, discerpit hianti

Dente fremens mutas pecudes, fætumque trementem,

Latè fusa iacent armenta, humilèsque bidentes:

**R**Egi sic iræ ignescunt ad celsa volanti

Mœnia, sic audus muros oppugnat, & arcem,

Frangere claustra volens, dirumque excindere Moschum.

Protinùs exemplum Ducis, euentumque secuti

Lechiadæ, ad muros furibundâ mole feruntur,

Pars scalas promunt, pars stupea vincula muris

Intendunt, cœci que ruunt, tormenta per auras

Cum strepitu reboant, densumque ad sidera volunt

Fumum, somniferâ occultitur caligine cælum,

Nox aciem, murosque tegit nigrantibus alis:

Effodiunt alii caueas tellure sub imâ,

Plenaque supponunt glomerato puluere vasa.

Pulueribus celerant Vulcanum adiungere, flammâ

Illicet incensus disiecit mœnia puluis,

Fit strepitus: veluti nigro cum fulmina cælo

Discurrunt, feriuntque latus, nubemque sonoram:

Con-



Contremuit cælum, gemitumque dedere lacunæ  
 Sylvarum, trepidant vndæ, campique iacentes;  
 Rudera vasta iacent, terris æquata lupinis,  
 Apparent homines trepidantes pectore subtus,  
 Vrgent Lechiadæ, sed gressum militis arcant  
 Moschi, nunc armis, nunc telis desuper, intus  
 Fossaque stipitibus quernis armata cœrcent,  
 Horrescit ferri seges alkè, vltroque minatur.

Miles ubi insidias conspexit, tergo cedit  
 Retrò, mox fraudem conclamat inesse dolosam.  
 Ocyus incensum restaurant turba foramen  
 Hic ubi nulla datur cæcum ex superare potestas  
 Consilium, clausos longâ obsidione teneri  
 Est animus, male suada fames quò dedere muros  
 Cogat, & optatam promptos exquirere pacem.

Ecce autem subito feruens exercitus agris  
 Aduolat, auxiliis avidus, defendere clausos,  
 Nec mora, nec requies: ZOLKIEVIVS vndique cingit  
 Omnes qui veniunt, & ferro sternit acuto.  
 At miseri Ciues, quos fortia claustra tenebant,  
 Absque cibo, & potu languent, fetoreque sensim  
 (Heu cladem infandam) absque suo moriuntur honore.

Tertia iam Cererem spicis pendentibus æstas  
 Torruic, heu miseros non adiutura Polonos:  
 Cum IAGELLONIDES per somnum rursus adesse,  
 Crinibus intextus flauis, diademate fulgens;  
 Visus, & ingeminans has REGI infundere voces:  
 O mea progenies, quid somnus membra ligauit?  
 Surge agè, tempus adest, quo muros vincere Moschi  
 Fas erit, en comites habeo tua castra sequentes:

D

Hic

Hic est, quem spectas oculis ANTONIVS, æuum  
 Exactus, vitamque suam, in stimulante cucullo:  
 Ille STANISLAVS, præful dignissimus olim  
 Craei, veste ruber, gladio quem regia dextra  
 Discidit in partes, cælo nunc integer alto est:  
 Nos tibi suppetias ferimus, nunc mœnibus insta,  
 Debiliora petit loca deinde, & mœnia quasat,  
 Ostendens digitis antiqua foramina sanctis,  
 Militibus facilem ingressum, tectosque canales,  
 Hoc idem faciunt, quos secum duxit in arcem.  
 Ipse Sigismundus somno confurgit ab alto:  
     Adsumus, ô Diui, vestigia vestra secuti,  
 Dum viam, semper, tanti memor esse triumphi  
 Auxiliique volo, mittam solemnia læus,  
 Votivas tabulas, atque aurea pignora vobis:  
 Hortatur socios iterum REX. classica ræum  
 Ingeminant murmur, quo fortia pectora surgunt,  
 Concutiunt muros tormentis, cuncta fragorem  
 Ingentem excipiunt, tellus miratur, & vnde  
 Vi cecidere solo, pulsu quo maximus æther  
 Intremuit, magnus liquidum ferit æthera clamor:  
 Hæc alii veniunt, aliique canalibus imis,  
 Perfringunt alii portas, hostemque trucidant,  
 Diripiunt delubra, furit per nubila grando  
 Impete telorum, iaculabilis ingruit imber:  
 Incendunt alii: mox flamma per alta domorum  
 Testa furit, trepidant immisso milite Moschi,  
 Nigra fauilla volat, rutilumque offuscat Olympum:  
 Diffugiunt pueri, caueas, tenebrasque requirunt,  
 Dura stupent manibus percussæ pectora matres:



At sine more furit miles, Moschosque timentes  
 Inuadit, tumidumque ferox bacchatur in hostem.  
 Ut fera, quæ cernit venantum indigne, saltus  
 Lustrari, nullos audet dare corpore motus,  
 Testa latet dumis, pudibundaque frondibus ora  
 Protegit, aut pauitans putri occultatur in antro,  
 Ast ubi se sperat tacitam, iam iamque teneri,  
 Contra tela, plagasque ruit, seseque bipenni  
 Obiicit, & saltu supra venabula fertur:  
 Sic petiere fugam, sic quesuere salutem,  
 Per strictos gladios, per ferrea tela, per hostes.

Rex prior inuadens custodem protinus arcis  
 Pauca refert: Quenam cordi fiducia vano?  
 Siccine Sarmaticas contemnitis ergo phalanges?  
 Quin fuerat melius Regem sperare benignum:  
 An modò Moschiadis paream, quæis perfida corda?  
 Hinc lateri tumido, capulo tenuis abdidit enssem,  
 At miser in truncum, cum pondere prono  
 Procidit, in caput, inque humeros: mox talia subdit:  
 Ne trepida, Regis dextrâ cadis, ista future  
 Mors fuerit laudi, sint hæc solatia fati.  
 Persequitur Messoiedum, cui colla, caputque,  
 Amputat, in terram cecidit sine nomine truncus:  
 Ignaros dehinc in muris, Martemque cientes,  
 Hodunum, Costum, Curilum, Smoilumque, Ricumque,  
 Extinguit letho, rigidum fugientibus enssem  
 Intergum infigit, SIC vires ira ministrat:  
 Tum Camenecius Siencum, Nouoduorsecius acer  
 Sternit Ophanazum claro de sanguine cretum,  
 Ille cadens subito morientia lumina claudit.

ZOLKIEVIVS diram gladio facit undique stragem,  
 Iuanus, Vasilusque cadunt, audaxque Bulatus  
 Multaque præterea prosternebat corpora passim,  
 Quid CHOTKIEVICIVS? Petrilum, Tymcamque, Stecumque,  
 Magnanimum, celeri tria pectora perforat ictu,  
 Illi per collum, sed transit hasta per inguen  
 Huic, Tymci pectus confixit inerme furentis,  
 Hic multos longè mactat, lateque SAPYA,  
 FELINIUSQUE ferus, DORohostayscius atrox,  
 Millia multa soli dorso iacere supino:  
 Hi gladio cecidere, illos Vulcanus adussit.

Aërias stabat turris producta sub auras,  
 Quadrato saxo, nulli expugnabilis hosti:  
 Hanc dum flagranti crassus fuligine sensim  
 Mulciber inuoluit, flammisque palatia sepsit:  
 Ecce oculis magnum, & visu mirabile monstrum,  
 Crines incompertus, rigidus liguine, vulcum  
 Fumiuous, nigris veluti Phlegetontis ab undis  
 Emergit Baiteus, vittatâ veste sacerdos,  
 Obstupuere acies animis, conterritus ipse  
 VAIERVS, retrò gressum cum voce repressit.  
 At non Sismundo præceps audacia celsit,  
 Corripit exanimem leuâ, dextraque mucronem  
 Stringit, & insurgens latus inter, & ilia ferrum  
 Condit, dimanat cruor, heu præcordia rumpens,  
 Voluitur ex sanguis: tuluâ distentus arenâ:  
 Irroratque solum cerebro: tum calcibus atram  
 Quasat humum expirans, singultibus ilia, pulsat,

Quis rogo diuersas hominum, quis carmine cædes:  
 Interitumque Ducum, quos Sarmata meruit acerbo

Fune-



Funere, describet? Quis parta trophæa reuoluet?  
 Heu miseram sortem cedis? con creta cerebro  
 Per nares stillat sanies, mortalia sædans  
 Pectora, perque oculos largo cum sanguine fossos:  
 Quid nisi conspicitur Mars vndique, & vndique sanguis  
 Moschiadum, tellus madefacta cruore redundat.  
 Suppliciter tristes geminas ad sidera palmas  
 Tendentes alij, vitæ vltioris amore,  
 Prouoluunt sese genibus regalibus vtrò,  
 Et fusis lacrymis spargunt plantasque, solumque,  
 Tum verò Princeps, casus miseratus acerbos  
 Moschorum: citius lituos inflare canoros  
 Ritè iubet: cessat bellum, furor, ira que cessat,  
 Extinguunt flammæ, victis donant que salutem:  
 Sed tabulata ruunt alto de culmine tecti,  
 Turrigeræque domus nigrescunt igne perustæ.  
 Sauromatæ verò conclamant ore triumphum,  
 Atque Sigismundam faustis ad sidera tollunt  
 Vocibus: O Regem sanctum qui præsidet aruis  
 Sarmaticis, gestisque suis res æquat Olympo,  
 Non potuit STEPHANVS Batorus vincere magnus,  
 Nec prius amissos Smolensci reddere muros:  
 Tu reddis nobis ô lagellonia proles,  
 Sic placuit Superis te condecorare, merentem:  
 Semper honos, nomenque tuum, laudesque manebunt,  
 Viue diu felix, fatauis felicior ipsis,  
 Et tua progenies quoduis dominetur in eum.

Interea ducunt captiuos pectora mæstos,  
 Svscius hic cum fratre suo, SEINVS que repinctus,  
 Multa que præterea clarorum turba virorum.

D:

REX



REX CHOTKIEVICIO tradit murosque, manusque,  
 Tutarique iubet Smolenscum milite forti,  
 In regnum dulcis patrię parat ipse reuerti,  
 Quò res componat melius, cętusque frequentes  
 Connocet, & recreet; iam fessos ore Polonos;  
 Delegit comites, patrię que reuersus in oras.

*Nec quę p̄stare cursum venenabilem vada  
 Nec quę p̄stare hora videri possent.*



*Nauiæ se ventis se tauris narrat amant  
 Enumerat nullo vultu hora pastor oues*

BIBLIOTHECA



JAGELLONICA



Biblioteka Jagiellońska



stdr0008227



